



SLUŽBENI GLASNIK NOGOMETNOG SAVEZA
ZENIČKO - DOBOJSKOG KANTONA

B i l t e n

S T A T U T
NOGOMETNOG SAVEZA
ZENIČKO - DOBOJSKOG KANTONA

Zenica, 16.10.2020. godine

S A D R Ž A J

- I DEFINICIJA TERMINA
- II OPŠTE ODREDBE
 - Pravni status
 - Član 1.
 - Član 2.
 - Naziv, sjedište i obilježja
 - Član 3.
 - Pravni subjektiviteti, jezici i obaveze
 - Član 4.
 - Neutralnost i nediskriminacija
 - Član 5.
 - Pravila igre
 - Član 6.
 - Učesnici u organizovanom nogometu
 - Član 7.
 - Ciljevi i zadaci
 - Član 8.
- III ČLANSTVO
 - Članovi Saveza
 - Član 9.
 - Prijem u članstvo
 - Član 10.
 - Zahtjev i procedura za prijem u članstvo
 - Član 11.
 - Prava članova
 - Član 12.
 - Obaveze članova
 - Član 13.
 - Istupanje i prestanak članstva, raspuštanje i gubitak članskog statusa
 - Član 14.
 - Počasni predsjednik i počasni član
 - Član 15.
- IV ORGANIZACIJA
 - Organi, tijela i nezavisnost
 - Član 16.
 - Uslov za status člana organa ili tijela NS ZDK
 - Član 17.
- V SKUPŠTINA
 - Član 18.
 - Članovi Skupštine
 - Član 19.

Kvorum prisustva Skupštini
Član 20.

Nadležnost Skupštine
Član 21.

Sazivanje, predlaganje članova, kandidature
Član 22.

Vanredna Skupština
Član 23.

Rukovođenje Skupštinom
Član 24.

Izbori i glasanje
Član 25.

Donošenje odluka
Član 26.

Zapisnik
Član 27

VI IZVRŠNI ODBOR

Struktura, sastav
Član 28.

Kandidature, mandat i zamjena
Član 29.

Nadležnosti Izvršnog odbora
Član 30.

Sjednice, dnevni red, kvorum i odlučivanje
Član 31.

Komitet za hitnost
Član 32.

Nadležnost i odlučivanje
Član 33.

VII PREDSJEDNIK SAVEZA

Predsjednik Saveza NS ZDK
Član 34.

Mandat predsjednika i dopredsjednika
Član 35.

VIII SEKRETARIJAT (Stručna služba Saveza) Član 36.

Generalni sekretar
Član 37.

IX PRAVNA TIJELA I KOMISIJE SAVEZA Član 38.

Pravna tijela Saveza
Član 39.

Disciplinska komisija
Član 40.

Apelaciona Komisija
Član 41.

Tužioci
Član 42.
Disciplinske mjere
Član 43.
Član 44.

Komisije Saveza
Član 45.
Član 46.

X SREDSTVA (FINANSIJE) SAVEZA I RAČUNOVODSTVO
Član 47.

Fiskalna godina i budžet
Član 48.
Član 49.

XI MEDIJI I TAKMIČENJE
Član 50.

Televizijski i radio prijenos
Član 51.

Takmičenje na nivou NS ZDK
Član 52.

Pravila takmičenja
Član 53.

Zabrana udruživanja
Član 54.

XII SPOROVI

Nezavisni i nepristrasan arbitražni tribunal – CAS
Član 55.

Nadležnost
Član 56.

XIII PRELAZNE I ZAVRŠNE ODREDBE

Raspuštanje Saveza
Član 57.

Pitanja koja nisu obuhvaćena Statutom
Član 58.

Važeći zakoni
Član 59.

Primjena i stupanje na snagu
Član 60.

Obaveze prilagođavanja Statuta
Član 61.

Broj: 02 – 1623/20
Zenica, 23.10.2020. godine

Na osnovu Zakona o udruženjima i fondacijama Federacije BiH (Službene novine Federacije Bosne i Hercegovine broj 45/02), čl. 72 stav 1. Statuta Nogometnog saveza Federacije Bosne i Hercegovine, Skupština Nogometnog saveza Zeničko-dobojskog kantona, na sjednici održanoj dana 16.10.2020. godine u Zenici, u s v o j i l a j e

S T A T U T NOGOMETNOG SAVEZA ZENIČKO – DOBOJSKOG KANTONA

I	DEFINICIJA TERMINA
FIFA:	Federation Internationale de Football Association (Međunarodna nogometna organizacija)
UEFA:	Unison udes Associatons Europeennes de football (Evropska nogometna unija)
IFAB:	International Footbal Association Board (Međunarodni nogometni odbor koji donosi Pravila igre)
N/FS BiH:	Nogometni/Fudbalski savez Bosne i Hercegovine
NS F BiH:	Nogometni savez Federacije Bosne i Hercegovine koji se sastoji od deset kantonalnih/županijskih nogometnih saveza
SAVEZ (NS ZDK) :	Nogometni savez Zeničko – dobojskog kantona – skraćeno NS ZDK
ASOCIJACIJE:	Klubovi kao članovi NS ZDK. Moguće je da postoje udruženja klubova ili pojedinaca (treneri, sudije i dr.)
DUŽNOSNIK:	Svaki član organa, tijela ili komisije i pojedinci kao što su sudije, pomoćne sudije, treneri i drugi pojedinci odgovorni za tehnička, administrativna i medicinska pitanja u NS ZDK, ligama ili klubovima
IGRAČ:	Svaki nogometaš registrovan u skladu sa važećim FIFA-inim odredbama
ORGANIZOVANI NOGOMET:	Nogomet koji je pod kontrolom FIFA-e i koji se organizira u skladu sa Pravilima igre
SKUPŠTINA:	Najviše zakonodavno tijelo NS ZDK
IZVRŠNI ODBOR:	Izvršni organ NS ZDK
ČLAN:	Pravno ili fizičko lice koje je Skupština primila u članstvo NS ZDK
REDOVNI SUDOVI:	Redovni sudovi u Bosni i Hercegovini koji rješavaju sporove u skladu sa nadležnošću propisanom Ustavom BiH, Ustavom FBiH, Ustavom ZDK i drugim zakonima u Bosni i Hercegovini.

ARBITRAŽNI TRIBUNAL: Nezavisni i nepristrasni arbitražni tribunal koji su osnovala pravna ili fizička lica i koje djeluje umjesto redovnog suda u okviru djelokruga rada i nadležnosti, osnovano u skladu sa državnim zakonima Bosne i Hercegovine.

CAS: Sud za arbitražu u sportu, u Lozani (Švicarska)

Napomena: Termini koji se odnose na fizička lica važe za oba gramatička roda/pola, a svaki termin u jednini važi za množinu i obratno

II OPŠTE ODREDBE

Pravni status

Član 1.

1. Nogometni savez Zeničko-dobojskog kantona (u daljem tekstu: Savez) je nevladino, nepolitičko, sportsko udruženje od javnog interesa, u koje su ravnopravno udruženi nogometni/fudbalski klubovi, u skladu sa ovim Statutom, Statutom NS FBiH, Statutom N/FS BiH, kao i Statutom, propisima i direktivama i odlukama FIFA-e i UEFA-e, u cilju unapređenja i razvoja fudbala na području Zeničko-dobojskog kantona.
2. Savez je osnovan na neodređeno vrijeme kao nogometno sportsko udruženje na nivou Zeničko-dobojskog kantona sa zadatkom da organizuje takmičenja i promovise nogometni sport na području Zeničko-dobojskog kantona u skladu sa ovim Statutom i odlukama Skupštine i Izvršnog odbora NS ZDK kao i u skladu sa Statutom, propisima, direktivama i odlukama NS FBiH, N/FS BiH, FIFA-e i UEFA-e.

Član 2.

- a) Savez se bavi svim pitanjima koja se odnose na nogomet na području Kantona, Federacije BiH i Bosne i Hercegovine,
- b) Rukovodi svim vrstama nogometa, razvija ih i unapređuje na svim nivoima i na cijelom teritoriju Kantona,
- c) Savez prihvata u cjelosti odredbe Statuta, pravilnika i odluka NS F BiH N/FS BiH, UEFA-e i FIFA-e,
- d) Štiti prava i interese svojih članova i rješava sporove među njima,
- e) Unapređuje nogomet u duhu mira i fair playa bez diskriminacije po političkom, spolnom, vjerskom i rasnom osnovu,
- f) Savez ostvaruje i uspostavlja saradnju sa NS F BiH i N/FS BiH i razvija prijateljske odnose, u cilju razvoja i unapređenja nogometa,
- g) Savez ostvaruje i druge ciljeve i zadatke od značaja za razvoj nogometnog sporta.

Naziv, sjedište i obilježja

Član 3.

1. Naziv sportskog udruženja je: Nogometni savez Zeničko-dobojskog kantona – skraćeno NS ZDK (u daljem tekstu: Savez)
2. *Sjedište Saveza je u Zenici, Zukići br. 22*
3. *Savez ima znak, zastavu, pečat i štambilj.*
4. Oblik i sadržaj znaka, zastave, pečata i štambilja utvrđuje Izvršni odbor Saveza posebnom odlukom.

Pravni subjektivitet, jezici i obaveze

Član 4.

1. Savez ima svojstvo pravnog lica sa pravima i obavezama utvrđenim Zakonom i ovim Statutom.
2. Savez se upisuje u registar udruženja kod nadležnog ministarstva ZE-DO kantona u skladu sa Pravilnikom o registraciji udruženja/udruga građana i fondacija Bosne i Hercegovine.

3. Savez za preuzete obaveze odgovara sopstvenom imovinom (potpuna odgovornost).
4. Savez ima svoj bankovni račun.
5. Službeni jezici Saveza su jezici utvrđeni Ustavom Federacije BiH, uz upotrebu latiničnog i ćirilicnog pisma.
6. Savez je udružen u Nogometni savez Federacije Bosne i Hercegovine i Nogometni/Fudbalski savez Bosne i Hercegovine, i zbog toga u cjelosti prihvata odredbe Statuta, propise, direktive i odluke NS FBiH, N/FS BiH, UEFA i FIFA-e.
7. Savez ima slijedeće dužnosti:
 - a) da u potpunosti poštuje Statut, propise, direktive i odluke tijela N/FS BiH, kao i odluke CAS-a donesene po žalbi na osnovu Statuta.
 - b) da učestvuju u takmičenjima koja organizuje NS ZDK, NS FBiH i N/FS BiH (ako je to primjenjivo)
 - c) da plaća članarinu i druge naknade kako to definira N/FS BiH
 - d) Savez, članovi, pridruženi članovi, klubovi, igrači, treneri, službena lica, i dr. putem svojih statuta, licenci, registracija ili nekog drugog pisanog dokumenta, obavezuju se:
 - i) Pridržavati se Statuta, propisa, direktiva FIFA-e, UEFA-e, N/FS BiH, NS F BiH i NSZDK, kao i odluka drugih tijela
 - ii) poštivati principe lojalnosti, integriteta i sportskog duha u skladu sa duhom fair-play,
 - iii) da se pridržavaju važećih Pravila igre kako ih je objavio IFAB, kao i Pravila igre za mali nogomet koja je objavio IFAB.
 - iv) da priznaju nadležnost CAS-a kako je navedeno u relevantnim odredbama Statuta FIFA-e i Statuta UEFA-e,
 - v) izbjegavati bilo kakav oblik diskriminacije, kako je to definisano članom 5 ovog Statuta
 - vi) da osiguraju plaćanje kotizacija za takmičenje, članarine za klub i igrače i druge finansijske obaveze prema Savezu
 - vii) da izvršno tijelo bude slobodno izabrano, te da druga statutarna tijela budu birana ili imenovana na potpuno nezavisan način, bez uticaja trećih lica
 - viii) da izabrani delegati ili zamjenski delegati za Skupštinu NS F BiH i N/FS BiH imaju dužnost da prisustvuju redovnoj ili vanrednoj Skupštini NS F BiH i NS/FS BiH
 - ix) osigurati da imenovani ili izabrani ili zamjenski članovi nekog statutarnog tijela N/FS BiH imaju dužnost da prisustvuju sastancima na koji su pozvani
 - x) da klubovi mogu sve svoje odluke donositi nezavisno od trećih lica i bez obzira na korporativnu strukturu koju je savez izabrao, te uzimajući u obzir propise o zaštiti integriteta takmičenja
 - e) da svoje poslove vode nezavisno i da osiguraju da njihovi poslovi nisu pod uticajem trećih lica,
 - f) da održi izbornu Skupštinu u istoj godini kad i N/FS BiH, a između 30 i 90 dana prije datuma izborne Generalne skupštine N/FS BiH,
 - g) da osigura da je mandat predsjednika maksimalno četiri godine,
 - h) da poštuje i unapređuje jedinstvo N/FS BiH.

- i) da ne održava bilo kakve kontakte sa savezima članovima FIFA-e i UEFA-e bez prethodnog odobrenja N/FS BiH; isto važi za bilo koji savez koji je suspendiran ili isključen iz FIFA-e, uključujući pridružene članove,
 - j) da se u potpunosti pridržava svih drugih dužnosti koje proizilaze iz Statuta N/FS BiH i drugih propisa.
- x) da sve sporove domaćeg karaktera koji su rezultat ili proizilaze iz primjene Statuta N/FS BiH, Statuta NS FBiH i Statuta NS ZDK, propisa, direktiva ili odluka donesenih na osnovu Statuta ili u vezi sa bilo kakvim ugovorom, u posljednjoj instanci iznose pred isključivu nadležnost nezavisnog i nepristrasnog arbitražnog tribunala, konkretno CAS-a u Lozani (Švicarska), kako je to navedeno u relevantnim odredbama FIFA-inog i UEFA-inog statuta, dok propisima Bosne i Hercegovine ne bude ustanovljen odgovarajući arbitražni tribunal na teritoriji Bosne i Hercegovine, koji ispunjava minimalne zahtjeve FIFA-e i UEFA-e. CAS će davati konačna rješenja takvih sporova bez učešća redovnog suda, osim ako to nije eksplicitno zabranjeno važećim zakonodavstvom u Bosni i Hercegovini.
8. Savez saraduje sa NS FBiH i N/FS BiH, kao i sa ostalim sportskim udruženjima u cilju razvoja i unapređenja nogometa i sportskog duha i fair –play.

Neutralnost i nediskriminacija

Član 5.

1. NS ZDK je neutralan u političkim i vjerskim pitanjima.
2. Diskriminacija bilo koje vrste, protiv neke zemlje, privatnog lica ili grupe ljudi, na osnovu etničkog porijekla, spola, jezika, politike ili bilo kog drugog razloga, strogo je zabranjena i može se sankcionisati suspenzijom, isključenjem ili drugim disciplinskim mjerama.

Pravila igre

Član 6.

1. NS ZDK i svaki njegov član igraju organizovani nogomet u skladu sa Pravilima igre koje je izdao IFAB, ili sa Pravilima igre za mali nogomet koje je izdao Izvršni komitet FIFA-e.
2. Samo IFAB ili Izvršni komitet FIFA-e mogu propisati ili izmijeniti odgovarajuća Pravila igre.

Učesnici u organizovanom nogometu

Član 7.

Registracija i evidencija klubova i igrača vrši se na osnovu Pravilnika o registraciji i odluka N/FS Bosne i Hercegovine.

Registraciju igrača vrši Registracioni sudija Saveza, kojeg imenuje Izvršni odbor, na mandat od četiri godine.

Evidenciju nogometnih sudija vrši Udruženje sudija dok evidenciju trenera vrši Sekretarijat Saveza u saradnji sa nadležnim komisijama Saveza, a na osnovu Pravilnika i propisa koje izdaje N/FS BiH.

Status igrača i odredbe o njihovom transferu uređuje se Pravilnikom o registracijama klubova i igrača i statusu i transferu igrača NS/FS BiH, u skladu sa FIFA-im Pravilnikom.

Ciljevi i zadaci

Član 8.

Ciljevi i zadaci Saveza su sljedeći:

- a) da se bavi svim pitanjima koja se odnose na nogomet na području Ze-do kantona, Federacije Bosne i Hercegovine i Bosne i Hercegovine,
- b) da rukovodi svim tipovima nogometa, razvija ih i unapređuje u skladu sa ovim Statutom,
- c) da rukovodi takmičenjima koja su u njegovoj nadležnosti, razvija ih i unapređuje
- d) da održava kontakte i surađuje sa NS FBiH i N/FS BiH, kao i sa svojim članovima i drugim sportskim udruženjima
- e) da štiti i poštuje prava i interese svojih članova i da rješava sporove među njima,
- f) da unapređuje nogomet u duhu mira i fair playa, bez diskriminacije po političkom, spolnom, vjerskom i rasnom osnovu,
- g) da poštuje principe lojalnosti, integriteta i sportskog duha u skladu sa principima fair playa.
- h) da osigurava da njegovi uključeni članovi mogu donositi sve odluke po bilo kojem pitanju vezanom za članstvo nezavisno od bilo kojeg vanjskog tijela,
- j) da osigurava da nijedno ni fizičko ni pravno lice (uključujući holdinge i podružnice) ne vrše kontrolu u više od jednog kluba kad god bi mogao biti ugrožen integritet neke utakmice ili takmičenja
- k) da osigurava izvore novčanih sredstava za finansiranje nogometnog sporta, Savez svoju djelatnost ne smije obavljati radi sticanja dobiti. Ako u obavljanju svoje djelatnosti Savez ostvari dobit, ona se mora koristiti isključivo za obavljanje i unapređenje djelatnosti Saveza, kojima se ostvaruju ciljevi Saveza.
- i) da organizuje i prati suđenje na području NS ZDK i definira područja nadležnosti delegirana kantonalnim savezima.

III ČLANSTVO

Članovi Saveza

Član 9.

Članovi Saveza su:

- a) klubovi muškog i ženskog nogometa,
- b) klubovi velikog i malog nogometa,
- c) članovi Saveza mogu biti i asocijacije klubova ili strukovne organizacije pojedinaca (sudije, treneri dr.) ukoliko ispunjavaju uslove iz ovog Statuta.

Prijem u članstvo

Član 10.

1. Skupština Saveza, na osnovu preporuke Izvršnog odbora NS ZDK prima u članstvo i vrši suspenziju ili isključuje iz članstva NS ZDK. Skupština Saveza može posebnim propisom kojim reguliše proceduru prijema (čl.11. tačka 1. Statuta) prenijeti svoje ovlašćenje donošenja konačne odluke o prijemu u članstvo na Izvršni odbor.
2. Svako pravno lice koje želi postati član NS ZDK mora se pismeno prijaviti Sekretarijatu, koji podnosi pismeni izvještaj Izvršnom odboru.
3. Zahtjev sadrži:
 - a) primjerak zakonski važećeg Statuta i propisa, osnivački dokument i dokaz o registraciji kod nadležnog državnog organa,
 - b) izjavu da će sve domaće utakmice igrati na teritoriji ZDK,
 - c) izjavu da se podnosilac prijave obavezuje da će uvijek poštivati Statut, propise, direktive i odluke NS ZDK, NS FBiH, N/FS BiH, FIFA-e i UEFA-e, te osigurati da ih poštuju i svi njegovi članovi, klubovi, službena lica, igrači i treneri,
 - d) izjavu da je podnosilac prijave saglasan da se pridržava važećih Pravila nogometne igre koja je objavio IFAB, kao i Pravila igre za mali nogomet koje je objavio Izvršni odbor FIFA-e,
 - e) izjavu da priznaju nadležnost Arbitražnog suda (CAS) u Lozani (Švicarska), kako je navedeno u relevantnim odredbama Statuta FIFA-e i Statuta UEFA-e,
 - f) izjavu da je saglasan da će u posljednjoj instanci svi sporovi domaćeg karaktera, koji proizilaze ili su vezani za primjenu Statuta NS ZDK, NS FBiH, N/FS BiH, propisa, direktiva ili odluka donesenih na osnovu tih Statuta, ili vezanih za bilo kakav ugovor, prosljeđivati na isključivu nadležnost nezavisnog i nepristrasnog arbitražnog tribunala, konkretno CAS - a u Lozani, kako je to navedeno u relevantnim odredbama Statuta FIFA, UEFA-e, N/FS BiH, NS FBiH i NS ZDK, dok se zakonodavstvom BiH ne uspostavi odgovarajući arbitražni tribunal, koji zadovoljava minimalne zahtjeve FIFA-e i UEFA-e. CAS će donositi konačna rješenja sporova bez redovnih sudova, osim ako to nije eksplicitno zabranjeno važećim zakonodavstvom Bosne i Hercegovine.
 - g) izjavu kojom pokazuje da zakonski sastav podnosioca zahtjeva za članstvo u NS ZDK, bez obzira na svoju pravnu strukturu, garantuje da je u stanju sve svoje odluke donositi nezavisno od bilo kojeg vanjskog tijela.
 - h) listu svojih službenika, navodeći one koji su ovlašteni potpisnici sa pravom izvršenja pravno obavezujućih sporazuma sa trećim stranama,
 - i) izjavu da se podnosilac zahtjeva slaže da će organizovati i učestvovati u prijateljskim utakmicama samo uz prethodnu saglasnost NS ZDK,
 - j) primjerak zapisnika sa zadnje sjednice skupštine podnosioca zahtjeva ili sa njegovog osnivačkog sastanka,
 - k) izjavu da će podnosilac zahtjeva osigurati da se njegovi članovi, klubovi, dužnosnici, igrači, treneri, medicinsko osoblje i dr. pridržavaju zahtjeva navedenih pod gornjim tačkama b) do g) putem statuta, registracije, licence ili nekog drugog pisanog i potpisanog dokumenta.

- l) Asocijacije klubova moraju dati izjavu da niti jedno pravno ili fizičko lice (uključujući holding, kompanije i podružnice) za podružnice nema kontrolu nad više od jednog kluba, kad god bi integritet bilo koje utakmice ili takmičenja mogao biti ugrožen
4. Asocijacije pojedinaca moraju svoje aktivnosti organizovati na cijeloj teritoriji Federacije BiH i to navesti u svojoj prijavi

Zahtjev i procedura za prijem u članstvo

Član 11.

1. Skupština usvaja posebne propise koji regulišu proceduru prijema.
2. Izvršni odbor Skupštini preporučuje da li da primi ili ne primi nekog podnosioca zahtjeva u članstvo.
3. Podnosilac zahtjeva može iznijeti Skupštini razloge za svoju prijavu u članstvo.
4. Skupština na osnovu svog punog diskrecionog prava donosi konačnu odluku o prijavi nekog kandidata za članstvo u NSZDK. Delegati imaju pravo da glasaju, a rezultati tog glasanja na snagu stupaju odmah.

Prava članova

Član 12.

1. Članovi imaju sljedeća prava:
 - a) da učestvuju u skupštini NS ZDK, da unaprijed dobiju njen dnevni red, da budu pozvani na skupštinu u propisanom vremenu, te da ostvaruju svoje pravo glasa,
 - b) da daju prijedloge za uključenje u dnevni red skupštine,
 - c) da nominuju kandidate za izbor u sva tijela NS ZDK, NS FBiH i N/FS BiH,
 - d) da podnose zahtjev za sazivanje vanredne Skupštine,
 - e) da budu obaviješteni o poslovima NS ZDK, kroz njena zvanična tijela,
 - f) da učestvuju u takmičenjima (ako je to primjenjivo) i/ili drugim sportskim aktivnostima koje organizira NS ZDK, NS FBiH i N/F S BiH
 - g) da ostvaruje sva druga prava koja proizilaze iz Statuta i propisa NS ZDK, NS FBiH i N/F S BiH.
2. Ostvarivanje ovih prava podliježe drugim odredbama Statuta i važećih propisa.

Obaveze članova

Član 13.

1. Članovi imaju sljedeće dužnosti:
 - a) da u potpunosti i uvijek poštuju Statut, propise, direktive i odluke tijela NS ZDK, NS FBiH i N/FS BiH, kao i odluke CAS - a donesene po žalbi na osnovu ovog Statuta,
 - b) da učestvuju u takmičenjima koja organiziraju NS ZDK, NS FBiH i N/FS BiH (ako je to primjenjivo),
 - c) da plaćaju članarinu i druge naknade, kako to definiraju NS ZDK, NS FBiH i N/FS BiH
2. Članovi, pridruženi članovi, klubovi, igrači, treneri, službena lica i dr. moraju:
 - a) da se pridržavaju principa lojalnosti, integriteta, sportskog duha u skladu sa duhom fair-play,

- b) da poštuju principe neutralnosti i nediskriminacije u političkim i vjerskim pitanjima, u skladu sa članom 5. ovog Statuta
 - c) da se pridržava važećih pravila igre, kako ih je objavio IFAB kao i Pravila igre za mali nogomet koji je objavio izvršni odbor FIFA-e
 - d) da se obavežu Statutom, propisima i direktivama N/FS BiH, FIFA-e i UEFA-e, kao i odlukama donesenim u skladu sa njima, da će se pridržavati istih,
 - e) da priznaje nadležnost CAS-a, kako je navedeno u relevantnim odredbama Statuta FIFA-e i Statuta UEFA-e,
 - f) sve sporove domaćeg karaktera koji su rezultat ili proizilaze iz primjene Statuta NS ZDK, NSFBiH i Statuta N/F S BiH, propisa, direktiva ili odluka donesenih na osnovu Statuta ili u vezi sa bilo kakvim ugovorom, u posljednjoj instanci iznose pred isključivu nadležnost nezavisnog i nepristrasnog arbitražnog tribunala, konkretno CAS-a u Lozani (Švicarska), kako je to navedeno u relevantnim odredbama FIFA-inog i UEFA-inog statuta, dok propisima Bosne i Hercegovine ne bude ustanovljen odgovarajući arbitražni tribunal na teritoriji Bosne i Hercegovine, koji ispunjava minimalne zahtjeve FIFA-e i UEFA-e. CAS će davati konačna rješenja takvih sporova bez učešća redovnog suda, osim ako to nije eksplicitno zabranjeno važećim zakonodavstvom u Bosni i Hercegovini.
3. Članovi se obavezuju da će usko saradivati sa Savezom u cilju razvoja i unapređenja nogometa na svim nivoima, kao i na organizaciji takmičenja na nivou ZDK.
 4. Članovi imaju prava i obaveze da vrše registraciju i evidenciju igrača i stručnih kadrova,
 5. Članovi se obavezuju da će izbjeći formiranje raznih interesnih grupa, koje prejudiciraju ili bi mogle prejudicirati jedinstvo nogometa u BiH.
 6. Članovi se obavezuju da će poštovati i unapređivati interes i cjelovitost Saveza.
 7. da održavaju redovnu Skupštinu jednom godišnje.
 8. da blagovremeno obavještavaju NS ZDK o terminu održavanja svojih skupština.
 9. da održavaju izbornu Skupštinu u istoj godini kada i NS ZDK, a najkasnije 30 dana prije datuma izborne Skupštine NS ZDK.
 10. Članovi moraju osigurati da se izvršno tijelo njihove asocijacije bira putem slobodnih izbora i da tu odredbu uključe u njihove Statute, u protivnom, Savez će odbiti da prizna takvo tijelo.
 11. da osiguraju da je mandat njihovih predsjednika maksimalno četiri godine.
 12. Statuti članova sadrže odredbu da je svaki klub koji je član asocijacije u poziciji da donosi vlastite odluke po svim pitanjima vezanim za svoje članstvo i to neovisno od bilo kojeg vanjskog dijela.
 13. da će blisko saradivati sa NS ZDK, NS FBiH i N/FS BiH u cilju razvoja i unapređenja nogometa na svim nivoima, kao i na organizaciji takmičenja na svim nivoima
 14. da će organizovati takmičenja koja mu u nadležnost ustupi NS ZDK.
 15. da se u potpunosti pridržavaju svih drugih dužnosti koje proizilaze iz ovog Statuta i drugih propisa.

16. ako bilo koji član prekrši gore navedene dužnosti, to može dovesti do sankcija predviđenih ovim Statutom. Nadležna pravna tijela NS ZDK, NS FBiH i N/FS BiH mogu izreći daljne sankcije.

Istupanje i prestanak članstva, raspuštanje i gubitak članskog statusa

Član 14.

1. Član Saveza može istupiti iz članstva Saveza na kraju fiskalne godine, pod uslovom da o tome obavijesti Skupštinu putem Sekretarijata Saveza šest mjeseci unaprijed.
2. Istupanjem iz članstva Saveza udruženi član gubi status članstva koji je ostvario putem Saveza, a njegov članski status i prava istovremeno prestaju.
3. Član može biti isključen iz Saveza u slučaju da:
 - a) ne ispuni svoje finansijske obaveze prema Savezu,
 - b) teško i ponovljeno krši Statut, Pravilnike i odluke Saveza,
 - c) ugrožava interese i jedinstvo Saveza,
 - d) izgubi svojstva na bazi kojih je dobio članski status.
4. Odluku o prestanku članstva donosi Skupština u skladu sa odredbama ovog Statuta.
5. Član mora ispuniti sve svoje finansijske obaveze prema Savezu prije nego što izgubi članski status. U slučaju raspuštanja člana njegov članski status i prava istovremeno prestaju.

Član 14 a.

1. Izvršni odbor može suspendovati člana Saveza za teško kršenje svojih obaveza i takva odluka stupa odmah na snagu. Odluka o suspenziji je na snazi do sljedeće Skupštine Saveza, osim ako je u međuvremenu ne ukine Izvršni odbor.
2. Suspenzija se potvrđuje na sljedećoj Skupštini Saveza. Ako se ne potvrdi, suspenzija se automatski ukida.
3. Suspendovani član gubi sva svoja prava iz članstva.
4. Pravna tijela mogu nametnuti daljne sankcije.

Počasni predsjednik i počasni član

Član 15.

Na prijedlog Izvršnog odbora, Skupština može dodijeliti status počasnog predsjednika ili počasnog člana. Taj status dodjeljuje se za posebne zasluge u nogometu. Počasni predsjednici i počasni članovi mogu prisustvovati Skupštini u savjetodavnom svojstvu, ali nemaju pravo glasa.

IV ORGANIZACIJA

Organi, tijela i nezavisnost

Član 16.

1. Organi i tijela Saveza su :
 - a) Skupština (zakonodavni organ)
 - b) Izvršni odbor (izvršni organ)
 - c) Predsjednik (osoba ovlaštena za predstavljanje i zastupanje)
 - d) Pravna tijela
 - e) Generalni sekretar (administrativno tijelo)

NSZDK ima i slijedeća konsultativna tijela:

- f) Stalne komisije
 - g) Ad-hoc komisije
 - h) Sekretarijat
2. Izvršni odbor NS ZDK može stalnim komisijama prenijeti ovlaštenje za odlučivanje, kako je definisano u njihovom opisu poslova i zadataka.
 3. Svi članovi organa i tijela NS ZDK dužni su pridržavati se FIFA-inog etičkog kodeksa prilikom vršenja svojih funkcija, kako je definisano ovim Statutom i relevantnim propisima.
 4. Član Izvršnog odbora (uključujući predsjednika i dopredsjednika) ne može istovremeno biti i član pravnog tijela, delegat Skupštine, ili generalni sekretar i obratno.
 5. Član nekog statutarnog organa NS ZDK ne smije učestvovati u donošenju odluka po bilo kojem pitanju u kojem postoji i može nastati sukob interesa.
 6. Svaki član statutarnog organa ili tijela NS ZDK dužan je prisustvovati pravovaljano sazvanim sastancima. Odsustva bez opravdanih razloga mogu dovesti do sankcija u skladu sa Statutom i Disciplinskim pravilnikom N/FS BiH i dodatno dovesti do zamjene takvog člana u skladu s ovim Statutom. Glasanje putem opunomoćenika u nekom statutarnom organu ili tijelu nije dozvoljeno.
 7. Svaki član nekog organa ili tijela NS ZDK ima jedan glas.

Uslovi za status člana organa ili tijela NS ZDK

Član 17.

1. Da bi postao kandidat za neki statutarni organ ili tijelo u NS ZDK, ta osoba mora ispunjavati kumulativno uslove, i to :
 - a) biti aktivan član u nogometnoj organizaciji i udružen u NS ZDK ili u nekom od njegovih statutarnih članova
 - b) biti državljanin BiH
 - c) imati prebivalište u BiH
 - d) priložiti biografiju (CV) koja sadrži informacije o obrazovanju, profesionalnim iskustvima i aktivnostima u nogometnoj organizaciji
 - e) podnijeti dokaz da nema izrečenu disciplinsku sankciju od strane disciplinskih organa NS ZDK, NS FBIH i N/FS BiH ili od nekog od njihovih statutarnih članova, odnosno da se ne vodi u registru disciplinskih kazni izrečenih za povrede propisa za sljedeće disciplinske kazne:
 - zabrana vršenja funkcije u periodu dužem od 3 (tri) mjeseca
 - smjenjivanje rukovodstva, isključenje iz kluba ili isključenje iz nogometne organizacije

Izrečena disciplinska sankcija mora biti potvrđena od strane Disciplinske komisije NS ZDK, NS FBIH i N/FS BiH ili od nekog od njihovih statutarnih članova.

- f) da nije pravosnažno krivično osuđivan i da se ne vodi u registru osuđivanih lica zbog krivičnog djela učinjenog s umišljajem, za koje mu je izrečena kazna zatvora na 3 (tri) mjeseca i više.
 - g) da nije pravosnažno krivično osuđivan i da se ne vodi u registru osuđivanih lica zbog krivičnog djela iz oblasti sporta, bez obzira na vrstu krivične sankcije.
2. Zahtjevi stavova 1e), 1 f) i 1g) ovog člana primjenjuju se i na generalnog sekretara i druge uposlenike Sekretarijata. Međutim, Izvršni odbor može kroz organizacione propise za njih postaviti daljnje zahtjeve.

3. Ako osoba tokom svog mandata u NS ZDK prestane ispunjavati jedan od gore navedenih uvjeta, on odmah gubi status člana organa ili tijela NS ZDK.

V SKUPŠTINA

Član 18.

1. Skupština je najviši organ upravljanja i odlučivanja u Savezu.
2. Skupština može zasjedati kao redovna i vanredna.
3. Redovna Skupština zasjeda jednom godišnje, najkasnije u roku od tri mjeseca po isteku fiskalne godine.
4. Redovna izborna Skupština zasjeda svake četiri godine.

Članovi Skupštine

Član 19.

1. Skupština se sastoji od 28 delegata, čiju strukturu čini po jedan delegat iz klubova koji se takmiče u seniorskoj konkurenciji i asocijacija primljenih u članstvo Saveza.
2. Delegati Skupštine Saveza moraju biti pravovaljano izabrani na skupštinama članica Saveza, najkasnije jedan mjesec prije održavanja Skupštine Saveza.
3. Izvršni odbor 20 dana prije održavanja Skupštine utvrđuje termin i dnevni red Skupštine Saveza. Istovremeno utvrđuje i ažurira tačnu listu delegata Skupštine Saveza kao i listu zamjenskih delegata, na osnovu prijedloga Kandidacione komisije Saveza
4. Smatra se da je izabrani odnosno predloženi kandidat za Skupštinu Saveza pravovaljano izabran ukoliko ga je izabrala Skupština članice Saveza.
5. Članovi Saveza biraju po jednog zamjenskog delegata Skupštine. Delegat koji nije u mogućnosti da prisustvuje Skupštini iz bilo kog razloga, mora se odmah javiti Generalnom sekretaru NSZDK, da bi se na Skupštinu pozvao zamjenski član. Taj zamjenski delegat prisustvuje Skupštini NSZDK umjesto onog delegata koji to nije u mogućnosti.
6. Mandat delegata i zamjenskih delegata u Skupštini traje 4 godine i počinje od dana verifikacije njihovog mandata u Skupštini, a ističe danom verifikacije mandata članova Skupštine sljedećeg saziva.
7. Sljedeće osobe se pozivaju da prisustvuju Skupštini:
 - a) delegati iz klubova i drugih asocijacija
 - b) članovi Izvršnog odbora Saveza,
 - c) počasni predsjednik i počasni članovi,
 - d) predsjednik i generalni sekretar NS FBiH
 - e) drugi gosti koje pozove Izvršni odbor saveza.
8. Samo delegati imaju pravo glasa na Skupštini NS ZDK. Sve druge osobe koje prisustvuju Skupštini nemaju pravo glasa.

Kvorum prisustva Skupštini

Član 20.

1. Skupština zasjeda pravovaljano i ima kvorum ako je prisutno 2/3 delegata od ukupnog broja delegata Skupštine, i odlučuje većinom od ukupnog broja delegata.
2. U slučaju da nije postignut kvorum, Skupština zasjeda po istom dnevnom redu najkasnije za 15 dana, kada je dovoljan kvorum apsolutna većina (50%+1) svih delegata.
3. Odluka koja traži glasanje donosi se podizanjem ruke (aklamacijom), osim ako Skupština ne odluči drugačije.
4. Odluke koje donese Skupština stupaju na snagu odmah, osim ako Skupština ne odluči drugačije.

Nadležnost Skupštine

Član 21.

1. Skupština ima sljedeće nadležnosti:
 - a) usvaja, mijenja i dopunjava dnevni red,
 - b) bira dva delegata kao ovjerivače zapisnika,
 - c) usvaja Statut Saveza, kao i njegove izmjene i dopune,
 - d) usvaja Poslovnik o radu Skupštine, kao i izmjene i dopune Poslovnika,
 - e) usvaja opis poslova i zadataka pravnih tijela,
 - f) bira i razrješava Predsjednika i dopredsjednika Saveza,
 - g) bira i razrješava članove IO NS ZDK, kao i predsjednika i dopredsjednika, na osnovu liste kandidata koji su predloženi,
 - h) verificira delegate Skupštine,
 - i) usvaja plan prihoda i rashoda Saveza za tekuću godinu,
 - j) razmatra i usvaja izvještaj o finansijskom poslovanju Saveza,
 - k) razmatra i usvaja izvještaj o radu Izvršnog odbora,
 - l) usvaja strukturu takmičenja na nivou kantona,
 - m) daje ovlaštenje Izvršnom odboru da odlučuje o sistemu takmičenja na nivou NS ZDK,
 - n) usvaja i **razmatra programe i planove** za sve vrste takmičenja na nivou Saveza, a sve na prijedlog **Izvršnog odbora Saveza**,
 - o) bira po potrebi radna tijela Skupštine (odbor za glasanje, komisija za verifikaciju),
 - p) dodjeljuje počasno članstvo,

- q) razmatra i donosi odluke po drugim pitanjima koja ovim Statutom nisu dana drugom organu, a spadaju u djelokrug Saveza i to na prijedlog Izvršnog odbora Saveza,
 - r) bira i razrješava pravna tijela Saveza
 - s) vrši izbor delegata u Skupštinu i Izvršni odbor NS FBiH i N/FS BiH
 - t) suspenduje - isključuje članove ili službena lica Saveza,
 - u) prima u članstvo Saveza i vodi evidenciju o istupanju iz Saveza.
2. Sve potrebne materijale, po pitanjima koja su u nadležnosti Skupštine Saveza, priprema Izvršni odbor Saveza, uz podršku nadležnih tijela i Sekretarijata.

Član 22.

1. Odluku o sazivanju redovne sjednice Skupštine donosi Izvršni odbor Saveza na svoju inicijativu, ili na inicijativu 2/3 članova Saveza. Izvršni odbor utvrđuju dnevni red sjednice.
2. Poziv za održavanje Skupštine sa prijedlogom dnevnog reda, vremenom i mjestom održavanja generalni sekretar upućuje delegatima Skupštine, najkasnije u roku od 15 dana prije održavanja Skupštine.
3. Članovi Skupštine, mogu dostaviti prijedlog za izmjenu i dopunu dnevnog reda sa obrazloženjem i eventualnim pisanim materijalima generalnom sekretaru Saveza, koji je dužan sa istim upoznati predsjednika i Izvršni odbor Saveza, odmah i bez odlaganja. Generalni sekretar potrebne materijale sa konačnim dnevnim redom upućuje pozvanim najmanje deset dana prije Skupštine.
4. Kandidature za izborne funkcije (uključujući njihove radne biografije) moraju biti dostavljene pismenim putem u Sekretarijat najkasnije jedan mjeseca prije datuma održavanja Skupštine Saveza.

Vanredna Skupština

Član 23.

1. Vanrednu sjednicu Skupštine saziva Izvršni odbor na pismeni zahtjev 2/3 članova saveza preko većine svojih delegata. Zahtjev mora sadržavati teme za dnevni red i kratko obrazloženje zahtjeva, a mora se uputiti generalnom sekretaru Saveza.
2. Ako se pravovaljano zatraži sazivanje vanredne Skupštine, ona se mora održati u roku od najviše 30 dana. Poziv za Skupštinu i njen dnevni red generalni sekretar Saveza mora dostaviti pismenim putem članovima Saveza i delegatima Skupštine u roku od dvije sedmice.
3. Dnevni red vanredne Skupštine ne može se mijenjati.

Rukovođenje Skupštinom

Član 24.

Redovnom ili vanrednom Skupštinom rukovodi predsjednik Saveza. U slučaju spriječenosti predsjednika Skupštinom predsjedava dopredsjednik Saveza. Ukoliko su oni spriječeni da prisustvuju Skupštini, Skupštinom predsjedava najstariji član Izvršnog odbora Saveza.

Član 25.

1. Izbori se vrše tajnim glasanjem.
2. Druge odluke donose se aklamacijom, ukoliko Skupština ne odluči drugačije.
3. Nije dopušteno davanje punomoći za glasanje.
4. Skupština Saveza bira 11 članova Izvršnog odbora među kojim predsjednika i dopredsjednika Saveza, kao i pravna tijela Saveza. Skupština Saveza bira 11 zamjenskih članova Izvršnog odbora.
5. Skupština saveza bira 4 delegata i 2 zamjenska delegata za Skupštinu NS FBiH za mandat od 4 godine.
6. Skupština Saveza bira 2 kandidata (uključujući i zamjenskog) za člana IO NS FBiH.
7. Delegati skupštine i kandidati za člana IO NS FBiH se biraju najkasnije 30 dana prije održavanja izborne sjednice Skupštine NS FbiH.
8. Kandidate za delegate Skupštine NS FBiH i za članove IO NS FBiH predlaže IO Saveza, u skladu sa Poslovnikom o radu Skupštine.
9. Skupština Saveza bira 4 delegata i 2 zamjenska delegata za skupštinu N/FS BiH, za mandatni period od 4 godine
10. Skupština Saveza bira 2 kandidata (uključujući i zamjenskog) za člana IO N/FS BiH.
11. Ukoliko je dati predsjednik NS FBiH iz NS ZDK onda Savez predlaže 1 kandidata za izbor zamjenskog člana IO.
12. Delegate odnosno kandidate za organe NS FBiH i NS BiH predlažu klubovi i drugi članovi Saveza, a konačan prijedlog sačinjava IO Saveza.
13. Usvajanje liste kandidata za pravna tijela NS FBiH i N/F S BiH vrši Skupština Saveza na prijedlog IO.
14. Predloženi kandidati biraju se apsolutnom većinom glasova svih delegata Skupštine.
15. Ukoliko u prvom krugu kandidati ne dobiju dovoljan broj glasova u drugom krugu glasanja potrebna je relevantna većina (većina od prisutnih delegata) izabrani su oni kandidati koji dobiju veći broj glasova.

Donošenje odluka

Član 26.

1. Skupština Saveza odluke donosi većinom glasova od ukupnog broja članova Skupštine.
2. Kada Skupština zasjeda u novom sazivanju prema članu 20. stav 2. ovog Statuta, odluke se donose većinom glasova od prisutnih članova Skupštine.
3. Slijedeće odluke mogu biti donesene samo ako Skupština (redovna, vanredna ili ponovljena) ima kvorum od 2/3 većine od ukupnog broja članova Skupštine i ako dobije većinu glasova od ukupnog broja članova o:
 - a) promjeni sjedišta Saveza,
 - b) izmjeni dnevnog reda

- c) usvajanju i izmjeni strukture prvenstva na razini NS ZDK (npr. broj ekipa koje učestvuju, sistem takmičenja, itd.),
 - d) usvajanju, izmjeni i dopuni Statuta NS ZDK,
 - e) suspenziji i isključenju člana Saveza,
 - f) napuštanju - raspuštanju Saveza,
 - g) i drugim pitanjima o kojima odluči Skupština.
4. Odluke donesene na Skupštini provode se odmah, osim ako Skupština ne odluči drukčije.

ZAPISNIK

Član 27.

1. Generalni sekretar odgovoran je za vođenje zapisnika na sjednici Skupštine.
2. Zapisnik sa održane sjednice Skupštine potpisuju ovjerivači zapisnika u roku od dvije sedmice od održane sjednice Skupštine. Zapisnik se potom dostavlja članovima Skupštine u roku od 30 dana od sjednice Skupštine. Ako Sekretarijat ne primi nikakav prigovor u roku od dvije sedmice nakon dostave zapisnika, zapisnik se smatra prihvaćenim. Svi prigovori dostavljaju se na sljedeću redovnu Skupštinu, na kojoj se donosi definitivna odluka.

VI IZVRŠNI ODBOR

Struktura, sastav

Član 28.

1. Izvršni odbor je izvršno tijelo Saveza.
2. Izvršni odbor se sastoji od 11 članova, među kojima su predsjednik i dopredsjednik. Članove Izvršnog odbora i zamjenske članove predlažu klubovi i drugi članovi Saveza.
3. Svaki kandidat za člana Izvršnog odbora potvrđuje volju za prihvatanje funkcije člana ovog tijela pred Skupštinom Saveza.
4. Generalni sekretar prisustvuje sjednicama Izvršnog odbora.

Kandidature, mandat i zamjena

Član 29.

1. Trajanje mandata članova Izvršnog odbora je četiri godine.
2. Svaki član Izvršnog odbora može biti ponovno izabran.
3. Članovi Izvršnog odbora ne mogu biti članovi Skupštine Saveza.
4. Izvršni odbor može zamijeniti člana Izvršnog odbora na zahtjev kluba, sa zamjenskim članom Izvršnog odbora za preostali dio mandata, do prvog zasjedanja Skupštine, kada se vrši i verifikacija.

Nadležnosti Izvršnog odbora

Član 30.

Izvršni odbor ima slijedeće nadležnosti:

- a) donosi smjernice za rad Saveza i članova Saveza (kantonalne/županijske saveze) u svim aspektima nogometa,
- b) predlaže nacrt Statuta,
- c) donosi Poslovnik o radu Izvršnog odbora,
- d) predlaže program razvoja i unapređenja nogometnog sporta,

- e) utvrđuje prijedlog finansijskog plana – budžeta Saveza i priprema materijale za završni račun i za obračun prihoda i rashoda
- f) utvrđuje visinu naknada klubova,
- g) odlučuje o finansiranju Saveza i rasporedu korištenja sredstava,
- h) provodi zaključke i odluke Skupštine,
- i) utvrđuje visinu naknada službenih lica na ligama kojima rukovodi Savez,
- j) po ovlaštenju Skupštine donosi odluke o sistemu takmičenja, rukovodi istim, putem organa,
- k) donosi Propozicije za organizaciju takmičenja na nivou Saveza i utvrđuje kalendar takmičenja i sistem takmičenja na nivou Kantona
- l) imenuje i razrješava selektore Kantonalnih selekcija,
- m) imenuje i razrješava Komisije Izvršnog odbora,
- n) imenuje i razrješava Stručnu službu Saveza,
- o) donosi Pravilnik o sistematizaciji i djelokrugu rada Sekretarijata Saveza,
- p) donosi poslovnik o radu stalnih i ad-hoc Komisija Saveza, te druge akte koji nisu nadležnosti Skupštine
- q) razmatra i usvaja izvještaje stalnih i ad hoc komisija i Sekretarijata saveza, kao i drugih organa koji nisu u nadležnosti Skupštine
- r) predlaže Skupštini kandidate za počasnog člana i počasnog Predsjednika
- s) odlučuje o zaštiti Pravilnika po podignutim zahtjevima-vanrednim pravnim sredstvima
- t) nadzire rad Sekretarijata Saveza
- u) obavlja i druge poslove za koje ga ovlasti Skupština ili su predviđeni opštim aktima Saveza
- v) odlučuje i o svim drugim pitanjima koja nisu u nadležnosti nekog drugog statutarnog tijela

Sjednice, dnevni red, kvorum i odlučivanje

Član 31.

1. Izvršni odbor se sastaje u pravilu jednom mjesečno. Sjednicu saziva i njom predsjedava predsjednik. Na zahtjev 1/3 članova, predsjednik saziva sjednicu Izvršnog odbora u roku od deset dana.
2. Članovi Izvršnog odbora mogu dostaviti generalnom sekretaru teme za dnevni red najmanje deset dana prije održavanja sjednice.
3. Dnevni red dostavlja se članovima Izvršnog odbora najmanje 7 dana prije sjednice, od strane generalnog sekretara.
4. Sjednica Izvršnog odbora NS ZDK nije otvorena za javnost. Izvršni odbor može pozvati treća lica da prisustvuju sjednici Izvršnog odbora. Ta treća lica nemaju pravo glasa, ali im je dozvoljeno da izraze svoje mišljenje uz dozvolu Izvršnog odbora.
5. Generalni sekretar prisustvuje sjednicama Izvršnog odbora u konsultativnom svojstvu.
6. Izvršni odbor ima kvorum i može pravosnažno odlučivati ako je na sjednici prisutna 2/3 većina od ukupnog broja članova.
7. Ako se ne postigne ovaj kvorum, Izvršni odbor se automatski mora sastati narednog radnog dana na istom mjestu i u isto vrijeme, da bi razmatrao isti dnevni red. U ponovljenoj sjednici Izvršni odbor ima kvorum ako je prisutna većina članova od ukupnog broja članova Izvršnog odbora.
8. Odluke se donose većinom glasova ukupnog broja članova, a u ponovljenoj sjednici odluke se donose većinom glasova od prisutnih članova. U slučaju jednakog broja glasova, u ponovljenoj sjednici odlučuje glas predsjednika ili predsjedavajućeg.
9. Odluke Izvršnog odbora provode se odmah, osim ukoliko izvršni odbor ne odluči drugačije.
10. Ako član Izvršnog odbora ne prisustvuje na najmanje tri sastanka tokom iste kalendarske godine, IO mora razriješiti takvog člana i zamjeniti ga do naredne Skupštine.
11. Izvršni odbor može suspendovati ili isključiti iz funkcije članove komisija, te im imenovati zamjenu za preostalo trajanje mandata.

Komiteet za hitnost

Član 32.

1. Komiteet za hitnost NSZDK bavi se svim pitanjima koja traže da budu riješena odmah, između dva sastanka Izvršnog odbora.
2. Komiteet za hitnost sastoji se od tri (3) člana:
 - a) predsjednika,
 - b) dopredsjednika
 - c) jednog redovnog člana Izvršnog odbora, kojeg imenuje predsjednik, od slučaja do slučaja, a u skladu sa njihovom dostupnošću i uz izbjegavanje sukoba interesa.
3. Generalni sekretar, po zahtjevu predsjednika, saziva sastanke Komiteeta za hitnost. Ako se sastanak ne može sazvati u odgovarajućem vremenskom roku, odluke se mogu donositi drugim sredstvima komunikacije (telefon, telefax, pismo ili elektronska pošta).
4. Ako predsjednik i/ili dopredsjednik nisu u mogućnosti da prisustvuju ili imaju sukob interesa, sastav Komiteeta za hitnost upotpunjuje se kroz imenovanje daljnjih članova Izvršnog odbora, po redoslijedu najviše rangiranog i nepristrasnog člana ili, u slučaju da su samo redovni članovi dostupni, po starini.
5. Član Izvršnog odbora koji u konačnici ima pravo da imenuje članove Komiteeta za hitnost za konkretan slučaj, isto tako i predsjedava umjesto predsjednika.
6. Generalni sekretar zadužen je za administraciju Komiteeta za hitnost i može prisustvovati sastancima u savjetodavnom svojstvu. Daje administrativnu podršku i vodi zapisnik na tim sastancima, koji podnosi svim članovima Izvršnog odbora, u pismenom obliku, u roku od tri radna dana.

Član 33.

1. Komiteet za hitnost je ovlašten da donosi odluke o hitnim pitanjima koja ulaze u nadležnost Izvršnog odbora.
2. Komiteet za hitnost donosi valjane odluke ako svi imenovani članovi prisustvuju sastanku ili su uključeni u proces odlučivanja. Odluka se donosi ako je podrži najmanje dva člana, ali se uvijek mora tražiti konsenzus.
3. Ako se ne odluči drugačije, takva odluka stupa na snagu odmah.
4. Na narednoj sjednici Izvršnog odbora, predsjedavajući Komiteeta za hitnost obavještava sve članove o vijećanju i odlukama, kao i o izvršenju tih odluka.

VII PREDsjedNIK SAVEZA

Član 34.

1. Predsjednik Saveza, predstavlja i postupa u ime Saveza.
2. On je prvenstveno zadužen za:
 - a) provođenje odluka koje donosi Skupština i Izvršni odbor, kao i Komiteet za hitnost, kroz Sekretarijat;
 - b) osiguravanje djelotvornog funkcionisanja tijela NSZDK, da bi se ostvarili ciljevi opisani u ovom Statutu i programima koje odobri Skupština ili drugo nadležno tijelo;
 - c) nadziranje rada Sekretarijata
 - d) održavanje odnosa između NSZDK i njegovih članova, NSFBiH, N/FSBiH i svih drugih članova i klubova, kao i političkih vlasti i svih drugih organizacija
3. Uz podršku Generalnog sekretara predsjednik saziva i priprema sastanke Skupštine, Izvršnog odbora, kao i Komiteeta za hitnost kojim i predsjedava.
4. Predsjednik koordinira rad Skupštine, Izvršnog odbora i Komiteeta za hitnost, te prati rad pravnih tijela, kao i stalni i ad-hoc komisija.
5. U slučaju neriješenog glasanja na Izvršnom odboru ili Komiteetu za hitnost, predsjednikov glas je odlučujući.

6. U odsutnosti predsjednika ili nemogućnosti da izvršava svoje dužnosti zbog bolesti ili nesreće, dopredsjednik preuzima njegova ovlaštenja i dužnosti. Ako dopredsjednik nije u mogućnosti da preuzme dužnost onda Izvršni odbor imenuje zamjenika iz reda svojih članova do naredne Skupštine.
7. Predsjednik, zajedno sa Generalnim sekretarom ima pravo da bude ovlašten potpisnik, osim ako nije drugačije određenom propisima Izvršnog odbora.

Član 35.

1. Mandat predsjednika i dopredsjednika traje četiri godine.
2. Kandidate za predsjednika i dopredsjednika Saveza predlažu klubovi i drugi članovi Saveza. Svaki kandidat za predsjednika i dopredsjednika Saveza potvrđuje volju za prihvatanje funkcije člana ovog tijela pred Skupštinom Saveza. Izabrani član izvršnog odbora koji kao kandidat za predsjednika i dopredsjednika u posebnom glasanju dobije najviše glasova izabran je za predsjednika, a kandidat koji je sljedeći po broju glasova postaje dopredsjednik.

VIII SEKRETARIJAT (Stručna služba Saveza)

Član 36.

1. Sekretarijat Saveza je stalno administrativno tijelo. Sekretarijat izvršava administrativne, stručne, tehničke poslove i to:
 - a) sprovodi odluke Izvršnog odbora i stalnih komisija,
 - b) priprema sjednice Skupštine i Izvršnog odbora Saveza, i vodi zapisnik sa istih,
 - c) kontaktira sa članstvom Saveza i pruža im potrebnu pomoć,
 - d) vodi sve operativne radnje za organizaciju i provođenje takmičenja na svim nivoima, kojim rukovodi Savez.
 - e) vrši registraciju igrača
 - f) kontaktira sa javnošću i priprema materijale za izradu glasila "Bilten".
2. Sekretarijat je sastavljen od Generalnog sekretara, koji rukovodi istim i Tehničkog sekretara, koji obavlja sve poslove i zadatka koje odredi Generalni sekretar.
3. Generalni sekretar i tehnički sekretar su zaposlenici Sekretarijata i primaju plaću iz sredstava kojima raspolaže Savez.

Generalni Sekretar

Član 37.

1. Generalni sekretar je administrativni rukovodilac Sekretarijata Saveza koga imenuje Izvršni odbor, i zaposlen je u Savezu po osnovu ugovora o radu.
2. Odgovoran je za obavljanje svih zadataka koje mu povjeri Izvršni odbor.
3. Prisustvuje svim sjednicama Skupštine, Izvršnog odbora i drugih organa i tijela, učestvuje u raspravama u savjetodavnom svojstvu. U slučaju spriječenosti, može imenovati svoju zamjenu.
4. Generalni sekretar priprema i ažurira Izvršnom odboru izvještaj o poslovanju i godišnjem finansijskom poslovanju Saveza
5. Potpisuje odluke iz djelokruga rada Sekretarijata.
6. Ostvaruje saradnju sa svim članicama Saveza, N/F Saveza BiH i NS F BiH.

7. Učestvuje u pripremi dnevnog reda za sjednice Skupštine i Izvršnog odbora.
8. Po ovlaštenju Izvršnog odbora i predsjednika zastupa Savez.
9. Vršiti i druge poslove i zadatke od interesa za Savez.

IX PRAVNA TIJELA I KOMISIJE SAVEZA

Član 38.

1. Skupština Saveza bira pravna tijela.
2. Članovi pravnih tijela ne mogu istovremeno biti članovi Izvršnog odbora ili bilo koje stalne ili ad hoc komisije.

Pravna tijela saveza

Član 39.

1. Pravna tijela Saveza su:

- a) Disciplinska komisija
- b) Apelaciona komisija
- c) Tužioci

2. Mandat članova Pravnih tijela traje četiri godine. Pravna tijela se sastoje od 3 člana, od kojih predsjednici moraju biti diplomirani pravnici. Za svako pravno tijelo imenuju se 2 zamjenska člana, za slučaj spriječenosti redovnog člana da obavlja dužnost ili izbjegavanje sukoba interesa.

Disciplinska komisija

Član 40.

1. Disciplinska komisija je prvostepeni organ Saveza i rješava sve sporove, za sve subjekte disciplinske odgovornosti na nivou Saveza. Kvorum i odlučivanje je većina od ukupnog broja članova komisije.
2. U slučaju opravdane potrebe, iz reda disciplinske komisije, Izvršni odbor imenuje Disciplinskog sudiju kao inokosni prvostepeni organ za odlučivanje o prekršajima iz takmičenja.
3. Disciplinska komisija i disciplinski sudija donosi odluke u skladu sa Disciplinskim pravilnikom N/F Saveza BiH i aktima ovog Saveza.

Apelaciona komisija

Član 41.

1. Apelaciona komisija je drugostepeni organ Saveza, a sastoji se od tri člana.
2. Apelaciona komisija rješava predmete po žalbi na odluke prvostepenih organa saveza.
3. Kvorum i odlučivanje je većina od ukupnog broja članova komisije.

Tužioci

Član 42.

1. NS ZDK ima jednog tužioca, koji mora biti diplomirani pravnik.
2. Tužilac zastupa interese NS ZDK u disciplinskim postupcima.
3. Predsjednik NS ZDK i predsjednici pravnih tijela mogu tražiti da tužilac NS ZDK provede istragu.
4. Tužilac ima pravo uložiti žalbu na odluku Disciplinske komisije i reagovati na odluku Apelacione komisije.
5. Bliže odredbe o pravima i obavezama tužilaca utvrđuju se Pravilnikom o radu tužilaca, koji donosi Skupština.

Disciplinske mjere

Član 43.

Disciplinske mjere mogu biti izrečene za nesportsko ponašanje, povredu Pravilnika nogometne igre i prekršaj Statuta Saveza, pravilnika ili odluka donesenih u skladu sa njima.

Član 44.

1. Članovima Saveza mogu biti izrečene disciplinske mjere, u skladu sa Disciplinskim pravilnikom N/FS BiH.

2. Vrste disciplinskih mjera su:

1) Za pojedince:

- a) opomena
- b) novčana kazna
- c) zabrana igranja određenog broja utakmica ili za određeni period
- d) zabrana obavljanja funkcije za određeni period
- e) isključenje iz kluba
- f) isključenje iz nogometne/fudbalske organizacije

2) Za klubove i asocijacije:

- g) opomena
- h) novčana kazna
- i) zabrana odigravanja utakmica u inostranstvu
- j) zabrana odigravanja utakmice na određeno vrijeme na određenom igralištu ili svim igralištima određenog regiona
- k) zabrana igranja sa gledateljima
- l) oduzimanje bodova
- m) negativni bodovi
- n) vraćanje u niži stepen takmičenja
- o) diskvalifikacija iz takmičenja

Komisije saveza

Član 45.

1. Stalne komisije formira Izvršni odbor Saveza.
2. Komisije su sastavljene od 3 člana.
3. Mandat članova komisija traje četiri godine uz mogućnost ponovnog izbora.
4. Kvorum za rad komisija i donošenje odluka je većina od ukupnog broja članova Komisije.

Član 46.

1. Stalne komisije su:
 - a) Komisija za takmičenje
 - b) Stručno trenersko – tehnička komisija
 - c) Komisija za sudije i suđenje
 - d) Komisija za status igrača
 - e) Komisija za bezbjednost
 - f) Komisija za propise
 - g) Komisija za sportsku medicinu
 - h) Komisija za medije
 - i) Komisija za mali nogomet
 - j) Komisija za ženski nogomet
 - k) Komisija za omladinski nogomet
 - l) Komisija za nagrade i priznanja
2. Izvršni odbor može po potrebi osnovati i druge ad - hoc komisije, radi rješavanja posebnih pitanja.

X SREDSTVA (FINANSIJE) SAVEZA I RAČUNOVODSTVO

Član 47.

Sredstva Saveza čine:

- a) kotizacija, članarine i takse članova Saveza, klubova, igrača, sudija, trenera i ostalih službenih lica,
- b) prihod od izrečenih kazni i taksi na žalbu,
- c) prihod od pretplate na službeni glasnik Saveza "Bilten",
- d) prihod od utakmica u organizaciji Saveza,
- e) prihod od budžeta Kantona
- f) ostali prihodi.

Fiskalna godina i budžet

Član 48.

1. Fiskalna godina Saveza počinje 01. januara i završava 31. decembra.
2. Izvršni odbor Saveza utvrđuje budžetske smjernice Saveza, finansijski plan prihoda i rashoda za tekuću godinu koje razmatra i usvaja Skupština Saveza.
3. Angažovanje ovlaštenog knjigovodstvenog servisa vrši se potpisivanjem ugovora
4. O vanrednim troškovima odlučuje Izvršni odbor.
5. Nalogodavac za izvršenje plana prihoda i rashoda utvrđenom odlukom o budžetu Saveza za tekuću godinu je Generalni sekretar Saveza
6. Godišnji izvještaj o poslovanju kao i godišnji plan budžeta usvaja Skupština Saveza.

Član 49.

Savez organizuje, vodi knjigovodstvo, finansijske i komercijalne poslove u skladu sa usvojenim budžetom i poštujući računovodstvene i finansijske propise Federacije Bosne i Hercegovine.

Sektor računovodstva i knjigovodstva obavezan je voditi računovodstvene knjige u skladu sa zakonom, kao i podnositi finansijski izvještaj koje razmatra i usvaja Skupština Saveza.

XI MEDIJI I TAKMIČENJA

Član 50.

Savez je dužan da o svom radu redovno obavještava svoje članice, putem "Biltena" kao internog glasila Saveza.

Televizijski i radio prijenos

Član 51.

1. Za utakmice koje su u njegovoj nadležnosti, Savez je nosilac ekskluzivnih prava za televizijski i radio prijenos, kao i za bilo koje drugo korištenje i emitiranje putem slike ili zvuka, direktno ili snimkom, u cijelosti ili u dijelovima, s tim da klubovi imaju pravo na dio prihoda .
2. Klubovi su nosioci prava iz stava 1. ovog člana za turnire čiji su organizatori klubovi.
3. Izvršni odbor donosi pripadajuće odredbe o primjeni ovog člana.

Takmičenja na nivou kantona

Član 52.

1. Savez je odgovoran za organizaciju takmičenja na nivou NS ZDK kao i za ona takmičenja koja su mu u nadležnost prenešena sa nivoa NS FBiH i N/F S BiH.
2. Takmičenja Saveza su Kantonalna liga, omladinske lige, Omladinski i Seniorski KUP i takmičenja koja u nadležnosti ustupa NS F BiH.

Pravila takmičenja

Član 53.

1. Izvršni odbor donosi pravila, propozicije za takmičenja na nivou Kantona kao i za druga takmičenja koja su u njegovoj nadležnosti.
2. Uslov za učestvovanje na takmičenju je da klub prihvata Statut Saveza, pravilnike i odluke donesene u skladu sa njima.

Zabrana udruživanja

Član 54.

1. Svaka liga ili bilo koja druga grupa klubova udruženih u NS ZDK mora biti podređena i priznata od strane NS ZDK.
2. Statuti i pravilnici takvih udruženja prethodno moraju dobiti saglasnost Izvršnog odbora Saveza.

3. Članovi NS ZDK i klubovi ne smiju formirati nikakve kombinacije ili saveze bez prethodnog odobrenja IO Saveza.
4. Bez izričitog odobrenja, klubovi koji su članovi Saveza ne mogu igrati protiv klubova koji nisu učlanjeni u Savez

XII SPOROVI

Nezavisni i nepristrasni arbitražni tribunal – CAS

Član 55.

1. NS BiH njegovi članovi, klubovi, igrači, službena lica i drugi učesnici u organiziranom nogometu mogu u konačnoj instanci svaki spor domaćeg karaktera koji proizilazi ili je vezan za NS BiH, Statut, propise, direktive i odluke donesene u vezi s njim, kao i sporove vezane za bilo koji ugovor, podnijeti na isključivu nadležnost CAS-a u Lozani, u Švicarskoj. Izvršni odbor može putem N/FS BiH uspostaviti odgovarajući dogovor sa CAS-om kojim se određuje postupanje u slučajevima NS BiH, NS FBiH i NS ZDK kao članicama NS BiH.
2. CAS ostaje priznati arbitražni tribunal N/FS BiH sve dok sportska organizacija ne uspostavi, u skladu sa zakonodavstvom BiH, odgovarajući arbitražni tribunal za teritoriju Bosne i Hercegovine, koja zadovoljava minimalne zahtjeve FIFA-e i UEFA-e.
3. CAS donosi konačna rješenja u sporovima, uz isključenje bilo kojeg redovnog suda, osim ako to nije eksplicitno zabranjeno važećim zakonima Bosne i Hercegovine.
4. U slučajevima kada je odluka statutarnog tijela NS BiH postala konačna i nema drugih dostupnih pravnih lijekova, strana koja ima pravnog interesa može žalbu na takvu odluku podnijeti CAS-u, uz isključenje žalbe pred bilo kojim redovnim sudom.
5. Ako se strane ne dogovore drugačije, pred CAS-om važe švicarski zakoni.
6. Međutim, CAS neće razmatrati žalbe po ovim pitanjima:
 - a) žalbe u vezi sa kršenjem Pravila igre,
 - b) žalbe na suspenzije do četiri utakmice ili do tri mjeseca,
 - c) žalbe na odluke koje donose nezavisni i propisno formirani arbitražni tribunal saveza ili konfederacije,
 - d) odluke tijela za licenciranje klubova.
7. Što se tiče FIFA-inih odluka u međunarodnim stvarima, primjenjuju se relevantne odredbe FIFA-inog Statuta.

Nadležnost

Član 56.

1. N/FS BiH, njegovi članovi, igrači i službenici, klubovi, agenti grača, službena lica Saveza svoje sporove neće podnositi redovnim sudovima, osim ako to nije konkretno predviđeno ovim Statutom i FIFA-inim propisima. Svako neslaganje će se podnositi na nadležnost FIFA-e, UEFA-e, ili N/FS BiH.
2. N/FS BiH je nadležan u internim sporovima, tj. sporovima između stranaka koje pripadaju N/FS BiH. N/FS BiH je nadležan u međuentitetskim sporovima, tj. sporovima između stranaka koje pripadaju različitim entitetima. FIFA je nadležna u međunarodnim sporovima, tj. sporovima između stranaka koje pripadaju različitim savezima ili konfederacijama.

XIII PRELAZNE I ZAVRŠNE ODREDBE

Raspuštanje saveza

Član 57.

1. Savez prestaje sa radom u slučajevima utvrđenim zakonom.
2. Lice koje zastupa Savez postupaće u skladu sa Zakonom.
3. U slučaju da nastupe okolnosti na osnovu kojih Savez prestaje da postoji, za odluku o raspuštanju Saveza potrebno je $\frac{3}{4}$ većina članova Skupštine Saveza
4. Imovina Saveza ne može se dijeliti.
5. U slučaju raspuštanja Saveza nadzor nad imovinom Saveza će biti povjerena Ministarstvu za obrazovanje, nauku, kulturu i sport NSZDK.

Pitanja koja nisu obuhvaćena statutom

Član 58.

Izvršni odbor ovlašten je da odlučuje o svim pitanjima koja nisu obuhvaćena ovim Statutom ili u slučajevima više sile. On odlučuje u skladu sa pravom i pravdom.

Važeći zakoni

Član 59.

U svim slučajevima kada je to potrebno, pored ovog Statuta, Statuta NS F BiH i Statuta N/FS BiH, pravilnika, direktiva i poslovnika njihovih organa, kao i pored Statuta FIFA-e i UEFA-e i njihovih propisa i direktiva, kao supsidijarni propis primjenivat će se zakonodavstvo Bosne i Hercegovine

Primjena i stupanje na snagu

Član 60.

Ovaj prečišćeni tekst sastoji se od osnovnog Statuta usvojenog na sjednici Skupštine Saveza dana 29.03.2016. godine i izmjena i dopuna Statuta usvojenih na sjednici Skupštine Saveza dana 16.10.2020. godine.

Statut stupa na snagu osmog dana od dana usvajanja, odnosno od 24.10.2020. godine.

Obaveza prilagođavanja statuta

Član 61.

Obavezuju se članovi Saveza da svoje statute usklade sa ovim statutom, u roku od 6 mjeseci od dana usvajanja prečišćenog teksta ovog statuta.



PREDSJEDNIK SAVEZA

Muhamed Begagić